

## ԳՐԱԽՈՍՈՒԹՅՈՒՆ

Հելեն Ղազարի Ազարյանի

«Կանանց դեմքի մաշկի լուսածեղացման մորֆոֆունկցիոնալ դեգեներատիվ փոփոխությունները եվ դրանց շտկումը» թեմայով

ատենախոսությանը ներկայացված բժշկական գիտությունների թեկնածուի

գիտական աստիճանի հայցման ԺԴ.00.03 «Ներքին հիվանդություններ»

մասնագիտությամբ :

Հայրենական և արտասահմանյան գրականության տվյալների վերլուծությունը վկայում է այն մասին, որ չնայած դերմատո-կոսմետոլոգիայի վերջին տարիների նշանակալի ձեռքբերումներին այնուամենայնիվ պահպանվում է կլինիկական պրակտիկայում ախտորոշման և շտկման արդյունավետ մեթոդների մշակման և ներդրման կարիքը:

Մաշկի լուսածեղացումը (արտաքին, երևութային ծեղացում) բազմագործոնային գործընթաց է, որը պայմանավորված է մաշկի հավելուրդային ճառագայթմամբ (ճառագայթման ուժգնություն, երկարատևություն և այլն) և ի տարբերություն մաշկի ժամանակային ծեղացումից, կարող է ի հայտ գալ երիտասարդ տարիքում: Դրա զարգացումը կոռելյացվում է կյանքի ընթացքում ստացած կուտակային (ընդհանրական, կուումոլյատիվ) լուսաչափի հետ:

Մաշկի լուսածեղացումը գորեղացնում է արդեն իսկ առկա կամ ձևավորվող մաշկի ժամանակային ծեղացման կլինիկական դրսևորումները և զարգանում է առաջանցիկ տեմպերով: Դրա ախտանիշներն առավել ակնառու են մաշկի բաց (լուսանպաշտպան) տեղամասերում (դեմք, վիզ, պարանոց, ձեռքերի թիկնային մակերեսներ և այլն): Այս ամենը զգալի անդրադաձ է ունենում պացիենտների կյանքի որակի վրա:

Ատենախոսի կողմից նախաձեռնած հետազոտության նպատակն է կանանց դեմքի II և III աստիճանի լուսածեղացմամբ մաշկի մորֆոֆունկցիոնալ վիճակն արտացոլող դեգեներատիվ փոփոխությունների օբյեկտիվ ուսումնասիրու-

թյունն է և բուժման տարբեր մեթոդների համեմատական արդյունավետության գնահատումը և բարելավումը:

Այս նպատակի իրականացման համար հեղինակը սահմանել է 6 գիտա-գործնական նշանակություն ունեցող խնդիր, մասնավորապես՝ լուսածերացմամբ մաշկի ֆունկցիոնալ, տեղագրական և ձևաբանական փոփոխությունների ուսումնասիրումը բուժումից առաջ և հետո, շտկման տարբեր մեթոդների արդյունավետության համեմատական վերլուծություն, ինչպես նաև կանանց դեմքի II և III աստիճանի լուսածերացմամբ մաշկի բուժման առավել արդյունավետ մեթոդի աաջարկում: Վերը նշված խնդիրների լուծումը, որոնք գիտական գրականության հասանելի աղբյուրներում չեն հանդիպում, և դրանց լուծումը, անշուշտ, որոշում է աստենախոսության առաջադրված նպատակին հասնելը, ինչը համարժեքորեն արտացոլված է սեփական հետազոտությունների արդյունքներին նվիրված գլուխ 3-ում:

Ատենախոսությունը գրված է ավանդական ձևով, հայերեն լեզվով, շարադրված է համակարգչային տեքստի 149 էջերում, բաղկացած է գրականության տեսությունից, հետազոտությունների նյութերի և մեթոդների նկարագրությունից, սեփական հետազոտությունների արդյունքներին նվիրված գլխից, եզրահանգումներից, գործնական առաջարկություններից և օգտագործված գրականության ցանկից, որը ներառում է 156 աղբյուր հայերեն, ռուսերեն և անգլերեն լեզուներով: Աշխատանքը պարունակում է 16 աղյուսակներ, 22 նկարներ:

Գլուխ 1 “Գրականության տեսություն” նվիրված է ծերացմանն իբրև կենսաբանական հիմնախնդրին, մաշկի ժամանակագրական ծերացման, լուսածերացման, դրա զարգացման փուլերին, հետազոտման ժամանակակից մեթոդներին, ինչպես նաև մաշկի տարիքային խախտումների շտկման ներարկային մեթոդներին: Հանգամանորեն ներկայացված են լուսածերացման ախտորոշման և շտկման հետ կապված խնդիրները, տրված կիրառվող մեթոդների դրական և բացասական կողմերը, հիմնավորված է դրանղ արդիականացման անհրաժեշտությունը:

Գլուխ II-ում "Հետազոտության նյութը եվ մեթոդները" ներկայացված է հետազոտված կոնտինգենտի (254 կանայք, որից հիմնական 234 և վերահսկման խմբի 20 կանայք) կլինիկական բնութագիրը, ինչպես նաև հետազոտության մեջ ընդգրկման չափանիշները, լուսածերածման աշտորոշման և շտկման մեթոդները, տրված է օգտագործված սարքավորման համառոտ տեխնիկական բնութագրերը: Հարկ է նշել որ մաշկի ֆունկցիոնալ, ձևաբանական և տեղագրական փոփոխությունների ախտորոշումը իրականացվել է օբյեկտիվ և ոչ ինվազիվ ախտորոշիչ կլինիկական և գործիքային մեթոդներով: Հայցորդի կողմից օգտագործված են ադեկվատ վիճակագրական մեթոդներ, որոնք հավաստում են հետազոտության արդյունքների արժանահատության մասին:

Ատենախոսության գլուխ III "Մեփական հետազոտության արդյունքները" բաղկացած է չորս ենթագլուխներից, որոնցից յուրաքանչյուրում մանրամասն շարադրված են երկրորդ և երրորդ աստիճանի լուսածերացմամբ կանանց դեմքի մաշկի ֆունկցիոնալ, տեղագրական և ձևաբանական փոփոխությունները՝ շտկման տարբեր մեթոդների կիրառումից առաջ և հետո: Այս գլխում նաև ներկայացված է կլինիկական խմբենում բուժման արդյունավետության համեմատական վերլուծությունը մեծաքանակ հավաստի տվյալների հիման վրա: Մեփական հետազոտությունների արդյունքներին նվիրված նյութերում արտացոլված են կատարված աշխատանքների արդյունքները, դրանց համապատասխանությունը առաջադրված խնդիրներին և եզրահանգումներին:

"Ամփոփում" բաժնում հեղինակը սեղմ ձևով ներկայացնում է աշխատանքի հիմնական դրույթները, որոնք թույլ են տալիս ներկայացնել ատենախոսության էությունը և իրականացված կլինիկական դիտարկումները ներդրված մեթոդների կիրառման արդյունավետության վերաբերյալ, վերջիններիս նախընտրությունը համապատասխան կլինիկական խմբերում: Եզրահանգումները բացարձակապես հիմնավորված է եւ արտացոլում են ատենախոսության դրույթները հեղինակի կողմից հրապարակված գիտական հոդվածներում և զեկույցներում:

Հետազոտական աշխատանքի հիմնական կարևոր եզրահանգումներից է կայանում նրանում որ բոլոր հետազոտվող ցուցանիշներում երկու խմբերի

պացիենտների մոտ բարելավման առավելագույն արդյունքը գրանցվել է ՄՀ+ ԹՀՇ-ով համալիր բուժման դեպքում:

Աշխատանքի հիմնական գիտական նորույթը կայանում է հետևյալում՝

1. Առաջին անգամ համալիր ուսումնասիրվել են կանանց դեմքի II և III աստիճանի լուսաձերացումով մաշկի ֆունկցիոնալ, տեղագրական և ձևաբանական փոփոխությունների քանաքական ցուցանիշները օբյեկտիվ մեթոդներով:
2. Առաջարկվել են կանանց դեմքի II և III աստիճանի լուսաձերացումով մաշկի դեգեներատիվ փոփոխությունների շտկման արդյունավետ և ռացիոնալ մոտեցումներ:

Գործնական նշանակության դրույթները՝

1. Հետազոտման ոչ ինվազիվ գործիքային մեթոդները հնարավորություն են ընձեռում գնահատել մաշկի մորֆոֆունկցիոնալ վիճակը և բուժման կիրառվող մեթոդների արդյունավետությունը:
2. Բուժման համակցված մեթոդի կիրառումն ապահովում է սեղմ ժամկետներում ցանկալի առավելագույն արդյունք՝ բարելավելով բուժառուի կյանքի որակը, առողջ տեսքը:
3. Մշակված է կանանց դեմքի մաշկի II և III աստիճանի լուսաձերացում ունեցող պացիենտների ախտորոշիչ հետազոտությունների արդյունքների հիման վրա թերապևտիկ միջոցառումների առավել արդյունավետ մեթոդ:

Հետազոտության արդյունքները և հեղինակի կողմից տրված գործնական առաջարկությունները լայն կիրառություն կգտնեն դերմատո-կոսմետոլոգիական պրակտիկայում, ինչը, մեր կարծիքով, իր դրական ազդեցությունը կունենա մաշկի մորֆոֆունկցիոնալ դեգեներատիվ փոփոխությունների շտկման արդյունավետության և զգալի կոնտինգենտի կյանքի որակի վրա:

Աշխատությունը շարադրված է գրագետ լեզվով, ընթերցվում է հեշտությամբ և հետաքրքրությամբ, պարունակում է բարձր որակի ցուցադրական նյութ, իսկ ներկայացված տվյալները պարունակում են էական գիտական և գործնական արժեք:



Ատենախոսության թեմայով հրատարակվել է 5 գիտական աշխատանք՝ այդ թվում WOS գիտական հրատարակումների շտեմարանում ներառված ամսագրում, 1 ուսումնասիրողական ձեռնարկ, 4 հոդված, որոնցից 2-ն առանց համահեղինակների, և 1 թեզիս: Դրանցում լիարժեք ներկայացված են Հելեն Ղազարի Ազարյանի ատենախոսական հետազոտության արդյունքները: Հոդվածների նյութերի հավաքագրումը, մշակումը, վերլուծությունը, եզրակացություններն անձամբ հայցորդի գիտական աշխատանքի արդյունքն են: Աշխատանքի բովանակությունը ներկայացված է ՀՍԱզարյանի կողմից «Դուբայ Դեբատ-2019» Միջազգային Գիտական համաժողովին: Ատենախոսությունում առաջարկված մեթոդի վերաբերյալ ՀՍԱզարյանը ստացել է հեղինակային իրավունքի արտոնագիր:

Ամփոփելով վերը նշվածը, կարելի է նշել, որ հետազոտական աշխատանքը իրականացված է կլինիկական և մեթոդաբանական տեսակետներից ճշգրիտ, հիվանդների ընդգրկումը և հետազոտությունները կատարվել են առաջադրված խնդիրներին համապատասխան:

Հաշվի առնելով ատենախոսական աշխատանքներին ներկայացվող ՀՀ ԲՈԿ-ի պահանջները՝ նկատողությունների առումով հարկ ենք համարում նշել հետևյալը:

1. Հեղինակը բաց է թողել "տեսական նշանակություն" բաժինը, չնայած, մեր կարծիքով, աշխատանքում առկա են մի շարք տվյալներ, որոնք պարունակում են ժամանակակից դերմատոկոսմետոլոգիայի համար համար էական տեսական արժեք:
2. "Հետազոտության նյութը եվ մեթոդները" գլխում, մեր կարծիքով, սակավ ուշադրություն է դարձվում հիվանդների վերահսկողական խմբի նկարագրությանը, ինչպես նաև կլինիկական խմբի հիվանդների սոմատիկ կարգավիճակին:
3. Չնայած հեղինակի կողմից իրականացված տվյալների վիճակագրական մշակման ընդարձակ ծավալին, աշխատանքում պատշաճ կերպով ներկայացված չէ դրա նկարագրությունը:

4. Ատենախոսության մեջ առկա են որոշ տեխնիկական վրիպակներ, ինչպես նաև ոճաբանական եւ քերականական սայթակումներ:
5. "Գործնական առաջարկներ" բաժնում ավելի տրամաբանական կլիներ ներկայացնել հետազոտված պացիենտների մաշկի լուսաձեռացման տարբեր դրսևորումների ախտորոշման և շտկման ավգորիթմը

Միաժամանակ նշված դիտողությունները չեն կրում սկզբունքային բնույթ եւ ոչ մի կերպ չեն նվազեցնում գրախոսվող աշխատանքի արժեքը:

Ամփոփելով գրախոսությունը՝ կարելի է եզրակացնել, որ ատենախոս Հելեն Ղազարի Ազարյանի՝ "Կանանց դեմքի մաշկի լուսաձեռացման մորֆոֆունկցիոնալ դեգեներատիվ փոփոխությունները եւ դրանց շտկումը" թեկնածուական ատենախոսությունն ավարտուն գիտական աշխատանք է, ունի գիտագործնական մեծ նշանակություն դերմատո-կոսմետոլոգիայի կլինիկական գործունեության ոլորտում, համապատասխանում է թեկնածուական ատենախոսություններին ՀՀ ԲՈԿ-ի կողմից ներկայացվող պահանջներին և կարելի է ներկայացնել հրապարակային պաշտպանության:

Պաշտոնական ընդդիմախոս,  
ԵՊԲՀ-ի ներքին հիվանդությունների  
պրոպեդևտիկայի ամբիոնի վարիչ  
բժշկական գիտությունների դոկտոր՝

Զնդոյան Զ.Տ.

Զ.Տ.Զնդոյանի ստորագրությունը հաստատում եմ  
գիտքարտուհար



բ.գ.դ. Պրոֆեսոր

Ավագյան Տ.Գ.

05 հունիսի 2022թ.